

## ՀԱՇՎԵՏՎՈՒԹՅՈՒՆ

Գերմանիայի Դաշնային Հանրապետություն (Բեռլին) գործուղման արդյունքների մասին

### 1. Անունը, ազգանունը.

Տաթևիկ Ստեփանյան

Սոֆի Բոստանյան

Անի Թաթոյան

### 2. Զբաղեցրած պաշտոնը.

ՀՀ աշխատանքի և սոցիալական հարցերի նախարարի տեղակալ,

ՀՀ աշխատանքի և սոցիալական հարցերի նախարարության հավասար հնարավորությունների ապահովման վարչության մարդկանց թրաֆիքինգի և կանանց հիմնահարցերի բաժնի պետ,

ՀՀ աշխատանքի և սոցիալական հարցերի նախարարության հավասար հնարավորությունների ապահովման վարչության մարդկանց թրաֆիքինգի և կանանց հիմնահարցերի բաժնի ավագ մասնագետ:

### 3. Գործուղման վայրը և ժամկետները.

Գերմանիայի Դաշնային Հանրապետություն, Բեռլին

2025 թվականի հունիսի 11-ից 13-ը:

### 4. Հրավիրող կողմը.

Եվրոպայի խորհրդի երևանյան գրասենյակ, «Կանանց նկատմամբ բռնության հաղթահարումը և գենդերային հավասարության ամրապնդումը Հայաստանում» ծրագիր շրջանակում:

## 5. Գործուղման նպատակը.

«Ընտանեկան և կենցաղային բռնություն գործադրած անձանց ռեաբիլիտացման ծրագիրը հաստատելու մասին» ՀՀ կառավարության 2025 թվականի հունվարի 16-ի N 35-Ն որոշման համաձայն՝ 2026 թվականից ՀՀ աշխատանքի և սոցիալական հարցերի նախարարությունը պետք է ապահովի համապատասխան ռեաբիլիտացման ծրագրերի իրականացումը: Մասնավորապես, նախատեսվում է ծրագրերի մշակում, ծառայություններ մատուցող անձնակազմի վերապատրաստում, ծառայությունների պատվիրակում հասարակական կառույցներին և ընթացիկ մոնիթորինգի կազմակերպում:

Սույն գործընթացի շրջանակում կազմակերպվել էր ուսումնական այց՝ նպատակ ունենալով աջակցել վերոնշյալ ծրագրի արդյունավետ մշակմանն ու ներդրմանը՝ հիմնվելով Գերմանիայի Դաշնային Հանրապետության համապատասխան փորձի վրա:

Վերոգրյալ այցը նպատակ է հետապնդել մասնագիտական փորձի փոխանակմանն ու կարողությունների զարգացմանը՝ ընտանեկան և կենցաղային բռնություն գործադրած անձանց վարքագծային փոփոխությանը նպաստող մեթոդաբանությունների ուսումնասիրության և դրանց ազգային մակարդակով ադապտացման միջոցով վերոնշյալ ծրագրի արդյունավետ իրականացման ապահովմանը:

Ուսումնական այցը միաժամանակ միտված է եղել ուսումնասիրել այն ծառայությունները, որոնք ուղղված են բռնություն գործադրած անձանց վերաինտեգրմանը համայնքային կյանքում՝ կանխելով բռնության կրկնությունը և ապահովելով բռնության ենթարկված անձանց պաշտպանությունը: Բացի այդ, այցի նպատակն է եղել խթանել ոլորտային քաղաքականությունների ձևավորման, համապատասխան օրենսդրական բարեփոխումների և միջգերատեսչական համագործակցության մեխանիզմների կայացմանն ուղղված գործընթացները:

Այսպիսով, ուսումնական այցի հիմնական նպատակներն են եղել.

- ✓ Բարձրացնել պետական մարմինների և քաղաքացիական հասարակության ներկայացուցիչների տեղեկացվածությունը ընտանեկան բռնության կանխարգելման, պաշտպանության և քաղաքականությունների մշակման ոլորտում գործող միջազգային չափանիշների, իրավական շրջանակների և Գերմանիայի Դաշնային Հանրապետության լավագույն փորձի վերաբերյալ:
- ✓ Խորացնել մասնակիցների գիտելիքները ընտանեկան բռնություն գործադրած անձանց ռեաբիլիտացման ծրագրերի մշակման և իրականացման մոդելների ու մեխանիզմների շուրջ:
- ✓ Ամրապնդել միջգերատեսչական համագործակցության արդյունավետ մեխանիզմները՝ ռեաբիլիտացիոն ծառայությունների կազմակերպման գործընթացում, ընդգծելով կանանց աջակցման ծառայությունների ներգրավման կարևորությունը՝ բռնությունից տուժած անձանց պաշտպանության և անվտանգության ապահովման նպատակով:

## 6. Քննարկված թեմաները.

Ստորև ներկայացվում են ուսումնական այցի ընթացքում քննարկված առանցքային թեմաները, որոնք ուղղակիորեն առնչվում են ընտանեկան և կենցաղային բռնություն գործադրած անձանց ռեաբիլիտացիոն ծրագրերի արդյունավետ մշակմանն ու գործնական կիրառմանը.

- **Ընտանեկան բռնություն գործադրած անձանց հետ աշխատանքի եվրոպական մոտեցումները՝** ծրագրերի մոդելներ, գնահատման մեխանիզմներ, գործնական խնդիրներ և ռիսկերի նվազեցման միջոցառումներ:
- **Գերմանիայի Դաշնային Հանրապետության ազգային քաղաքականությունը գենդերային և ընտանեկան բռնության ոլորտում՝** օրենքների, ռազմավարությունների և զոհերի աջակցության ծառայությունների համակարգ:

- **Ծառայությունների որակի ապահովման մեխանիզմները՝** իրականացվող ծրագրերի վերահսկողություն և չափանիշների մշակում:
- **Աշխատանք ընտանեկան բռնություն գործադրած անձանց հետ՝ որպես վերասոցիալականացման գործիք՝** Ընտանեկան բռնություն գործադրած անձանց հետ աշխատանքի դաշնային ասոցիացիայի փորձը (BAG TãHG):
- **Բեռլինի բռնության կանխարգելման կենտրոնի աշխատանքը՝** ընտանեկան բռնություն գործադրած անձանց հետ ծրագրերի կառուցվածք, չափորոշիչներ և մասնագիտացված մոտեցումներ:
- **Աշխատանք ընտանեկան բռնություն գործադրած կանանց հետ՝** խնդիրների առանձնահատկություններ և արձագանքման մեթոդներ:
- **Զոհերի անվտանգության ապահովումը որպես առաջնահերթություն՝** համագործակցություն աջակցության կենտրոնների և խորհրդատվական ծառայությունների միջև:
- **Տեսական և գործնական բաղադրիչների համադրություն տղամարդկանց հետ ծրագրերում՝** մեթոդաբանություն և պրակտիկա:
- **Բռնություն գործադրած շահառուների հետ աշխատանքի կառուցվածքային մարտահրավերները՝** լեզվական, իրավական և սոցիալական խոչընդոտների հաղթահարում:
- **Ինտեգրված և համագործակցային մոտեցումներ՝** տարբեր պետական և հասարակական կառույցների ներգրավում և համակարգում:
- **Անհատականացված մոտեցումներ տարբեր խմբերի նկատմամբ՝** հարմարեցված միջամտությունների կիրառություն:
- **Եզրափակիչ քննարկում՝** ծրագրերի մշակման ընդհանուր խնդիրները և ուսումնական այցի հիմնական արդյունքների ամփոփում:

## **7. Հանդիպումները, ելույթները, բարձրացված կամ քննարկված հարցերը.**

Սույն ուսումնական այցի շրջանակում կայացել են մի շարք աշխատանքային հանդիպումներ և մասնագիտական քննարկումներ՝ Գերմանիայի Դաշնային Հանրապետության ընտանեկան բռնություն գործադրած անձանց հետ աշխատանքի ոլորտում առաջատար համարվող պետական և քաղաքացիական կառույցների ներկայացուցիչների մասնակցությամբ:

Հանդիպումներին ներգրավված են եղել Գերմանիայի Դաշնային Հանրապետության Կրթության, ընտանիքի, մեծահասակների, կանանց և երիտասարդության հարցերով դաշնային նախարարության, Ընտանեկան բռնություն գործադրած անձանց հետ աշխատանքի դաշնային ասոցիացիայի, Բեռլինի բռնության կանխարգելման կենտրոնի, ինչպես նաև ընտանեկան բռնության կանխարգելման և ռեաբիլիտացիայի ոլորտում գործող հասարակական կազմակերպությունների և խորհրդատվական կենտրոնների ներկայացուցիչներ:

«Վ աշխատանքի և սոցիալական հարցերի նախարարի տեղակալ Տաթևիկ Ստեփանյանը հանդես է եկել ելույթով՝ ներկայացնելով Հայաստանի առաջնահերթությունները ընտանեկան բռնություն գործադրած անձանց ռեաբիլիտացման ոլորտում: Մասնավորապես, շեշտադրվել են «Վ կառավարության թիվ 35-Ն որոշմամբ նախատեսված ծրագրերի մեկնարկը 2026 թվականից, ինչպես նաև գենդերային քաղաքականության իրականացման 2025-2028 թվականների ռազմավարության դրույթները: Նշվել է, որ ռազմավարության շրջանակում նախատեսված են մի շարք միջոցառումներ՝ ուղղված բռնության կանխարգելմանը, զոհերի պաշտպանությանը և մեղադրյալների վերաինտեգրմանը:

«Վ աշխատանքի և սոցիալական հարցերի նախարարության Մարդկանց թրաֆիքինգի և կանանց հիմնահարցերի բաժնի պետն ու նույն բաժնի ավագ մասնագետը հանդես են եկել մասնագիտական դիտարկումներով և հարցադրումներով՝ վերաբերող ռեաբիլիտացիոն ծրագրերի մշակման

մեթոդաբանությանը, դրանց արդյունավետության չափման գործիքներին, շահառուների հետ տարվող աշխատանքի մոտեցումներին և հնարավոր ռիսկերի նվազեցման ուղիներին: Բացի այդ, կարևորվել է զոհերի անվտանգության ապահովման առաջնահերթությունը՝ բռնություն գործադրած անձանց հետ տարվող աշխատանքի համատեքստում:

**8. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.**

Ուսումնական այցի ընթացքում ձեռք բերվեց պայմանավորվածություն գերմանական կողմի հետ՝ ուսումնական այցի մասնակիցներին փոխանցել բոլոր այն նյութերը, որոնք ներկայացվել են եռօրյա հանդիպումների ընթացքում, այդ թվում՝ սահիկաշարեր, աշխատանքային մոդելներ, մեթոդական ցուցումներ և ուղեցույցեր:

Նշված նյութերի ստացումը կնպաստի ռեաբիլիտացիոն ծրագրի հետագա մշակմանն ու տեղայնացմանը՝ Հայաստանի Հանրապետությունում:

**9. Ստորագրությունը, ամսաթիվը:**

Տաթևիկ Ստեփանյան

Սոֆի Բոստանյան

Անի Թաթոյան



18.06.2025թ.